

- (4) Za prekršaj iz stava (3) ovog člana, odgovorne lice distributera prirodnog gasa kazniće se novčanom kaznom u iznosu od 500,00 KM do 1.500,00 KM.

Član 97.

(Kazne predviđene za kupca prirodnog gasa)

- (1) Novčanom kaznom u iznosu od 500,00 KM do 800,00 KM kazniće se za prekršaj pravno lice kao kupac prirodnog gasa, ako se ne pridržava odredbi iz čl. 13., 21., 27., 30., 31., 34., 36., ove uredbe.
- (2) Za prekršaj iz stava (1) novčanom kaznom u iznosu od 200,00 KM do 600,00 KM kazniće se odgovorno lice u pravnom licu.
- (3) Za prekršaj iz stava (1) novčanom kaznom u iznosu od 200,00 KM do 600,00 KM kazniće se fizičko lice, kao kupac prirodnog gasa.
- (4) Novčanom kaznom u iznosu od 500,00 KM do 1.500,00 KM kazniće se za prekršaj izvođač radova, kao pravno lice, odnosno od 500,00 KM do 1.000,00 KM kaznit će se fizičko lice, ako se ne pridržava obaveza iz čl. 90. i 91. ove uredbe.

Član 98.

(Kazne predviđene za treća lica)

- (1) Novčanom kaznom od 500,00 KM do 6.000,00 KM kazniće se pravno lice, ako se ne pridržava odredaba člana 29. ove uredbe.
- (2) Za prekršaj iz stava (1) ovog člana kazniće se odgovorno lice u pravnom licu novčanom kaznom od 200,00 KM do 600,00 KM.
- (3) Za prekršaj iz stava (1) ovog člana kazniće se fizičko lice novčanom kaznom od 200,00 KM do 600,00 KM.

DIO XVIII - PRELAZNE I ZAVRŠNE ODREDBE

Član 99.

(Veza sa drugim aktima)

Za normative i zahtjeve koji su nedovoljno definisani ili nisu definisani ovom uredbom, primjenjivat će se odredbe važećih akata i propisa na nivou Bosne i Hercegovine i Federacije Bosne i Hercegovine.

Član 100.

(Stupanje na snagu Uredbe)

Ova uredba stupa na snagu osmog dana od dana objavljivanja u "Službenim novinama Kantona Sarajevo".

Broj 02-05-18444-26/13

27. juna 2013. godine

Sarajevo

Premijer

Suad Zeljković, s. r.

Na osnovu čl. 22. i 24. stav 1. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), a u vezi sa članom 163. stav 1. alineja 24. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 16/02, 8/03, 2/06, 21/06, 17/10, 26/12 i 15/13), Vlada Kantona Sarajevo, na 26. sjednici održanoj 27.06.2013. godine, donijela je

UREDBU

**O DOPUNI UREDBE O REGULISANJU TROŠKOVA
DŽENAZE/SAHRANE/UKOPA**

Član 1.

(Dopuna člana 6. Uredbe)

U Uredbi o regulisanju troškova dženaze/sahrane/ukopa ("Službene novine Kantona Sarajevo", broj 14/06) u članu 6. iza stava (2) dodaju se st. (3) i (4) i glase:

- (3) "Izuzetno će se regulisati i troškovi za lice za koje se utvrdi da je nepoznatog identiteta, a smrt je nastupila na području Kantona Sarajevo, nakon provedenog odgovarajućeg zakonskog postupka od strane nadležnih organa i od strane JU "Kantonalni centar za socijalni rad"- nadležnih Službi socijalne zaštite".

- (4) Mjesno nadležna služba socijalne zaštite odnosno služba socijalne zaštite gdje je nastupila smrt lica nepoznatog identiteta podnosi prijedlog direktoru.
- Dosadašnji stav (3) postaje stav (5).

Član 2.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-05-18444-27/13

27. juna 2013. godine

Sarajevo

Premijer

Suad Zeljković, s. r.

Na osnovu čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), čl. 124. stav (5) i 158. stav (4) Zakona o visokom obrazovanju ("Službene novine Kantona Sarajevo", broj 22/10 - Prečišćeni tekst i 15/13), Vlada Kantona Sarajevo, na 26. sjednici održanoj dana 27.06.2013. godine, donijela je

ODLUKU

**O UTVRĐIVANJU POSTUPKA IMENOVANJA
ČLANOVA UPRAVNOG ODBORA UNIVERZITETA U
SARAJEVU KOJE IMENUJE VLADA KANTONA,
POČETAK I NAČIN RADA, PRAVA I OBAVEZE,
POSTUPAK RAZRJEŠENJA I DRUGA PITANJA BITNA
ZA ZAKONIT RAD I EFIKASNO FUNKCIONIRANJE
UPRAVNOG ODBORA UNIVERZITETA U SARAJEVU**

Član 1.

(Predmet Odluke)

Ovom odlukom utvrđuju se standardi i kriteriji za nominiranje/imenovanje na poziciju predsjednika i članova Upravnog odbora Univerziteta u Sarajevu (u daljnjem tekstu: Upravnog odbora), postupak imenovanja članova Upravnog odbora, početak i način rada, prava i obaveze, postupak razrješenja i druga pitanja bitna za zakonit rad i efikasno funkcioniranje Upravnog odbora.

Član 2.

(Izbor i imenovanje)

- (1) Uslovi za izbor i imenovanje predsjednika i članova Upravnog odbora preciznije se uređuju Zakonom o visokom obrazovanju, Statutom Univerziteta i ovom odlukom.
- (2) Šest članova, od kojih je jedan obavezno i predsjednik Upravnog odbora, imenuje Vlada Kantona Sarajevo (u daljnjem tekstu: Vlada) nakon provedene konkursne procedure, dok pet članova, od kojih je najmanje jedan predstavnik studenata, imenuje Senat Univerziteta nakon provedene konkursne procedure.
- (3) Član Upravnog odbora se imenuje na mandatni period od četiri godine i ne može biti imenovan više od dva puta uzastopno.
- (4) Članovi Upravnog odbora koje imenuje Senat, izuzev predstavnika studenata, moraju biti u radnom odnosu na Univerzitetu u Sarajevu.
- (5) Način izbora odnosno imenovanja, kao i uslovi za izbor i imenovanje članova Upravnog odbora koje imenuje Senat, preciznije će se urediti Statutom Univerziteta.
- (6) Svi članovi Upravnog odbora obavezni su ispunjavati opšte uslove propisane zakonom i ovom odlukom.

Član 3.

(Nadležnost)

- (1) Upravni odbor obavlja poslove i zadatke utvrđene Zakonom o visokom obrazovanju i Statutom Univerziteta i odgovoran je za poslovanje Univerziteta.
- (2) Članovi Upravnog odbora imaju pravo i obavezu izvršavati poslove i zadatke iz nadležnosti Upravnog odbora koja je utvrđena Zakonom o visokom obrazovanju.

- (3) Upravni odbor je nadležan da:
- daje mišljenje o Statutu Univerziteta;
 - donosi opći akt o unutrašnjoj organizaciji i sistematizaciji radnih mjesta i druge opće akte u skladu sa zakonom i statutom;
 - utvrđuje planove finansiranja i razvoja Univerziteta;
 - donosi godišnji program rada Univerziteta, na prijedlog Senata Univerziteta i prati njegovu realizaciju;
 - donosi finansijski plan i usvaja godišnji obračun Univerziteta;
 - usmjerava, kontrolira i ocjenjuje rad rektora u domenu finansijskog poslovanja i preduzima potrebne mjere i aktivnosti da bi se osigurala zakonitost finansijskog i ukupnog poslovanja Univerziteta;
 - rješava pitanja koja regulišu odnos Univerziteta i Osnivača;
 - odlučuje o korištenju sredstava preko iznosa kojim može raspolagati rektor, a koji je utvrđen statutom Univerziteta;
 - odlučuje o prigovoru odnosno žalbama zaposlenika na odluke kojima je u prvom stepenu odlučivano o njihovim pravima, obavezama i odgovornostima iz radnog odnosa;
 - podnosi osnivaču šestomjesečni i godišnji izvještaj o poslovanju Univerziteta u skladu sa zakonom;
 - obavlja i druge poslove u skladu sa zakonom, Statutom i drugim aktima Univerziteta.

Član 4.

(Prestanak mandata i prijevremeno razrješenje)

- Dužnost člana Upravnog odbora u pravilu prestaje protekom vremenskog perioda na koji je izvršeno imenovanje. Član Upravnog odbora može prestati vršiti dužnost i prije isteka vremenskog perioda na koji je izvršeno imenovanje u sljedećim slučajevima:
 - stupanjem na snagu odluke kojom se prihvata ostavka na dužnost člana Upravnog odbora koju donosi nadležni organ;
 - prijevremenim razrješenjem iz razloga utvrđenih zakonom, Statutom Univerziteta i ovom odlukom;
 - izborom na neku drugu funkciju nespojivu sa obavljanjem dužnosti člana Upravnog odbora;
- Odluku o razrješenju člana Upravnog odbora prije isteka vremenskog perioda na koji je izvršeno imenovanje, Vlada odnosno Senat Univerziteta, mogu donijeti na obrazloženi prijedlog subjekata koji su ovom odlukom nadležni za pokretanje procedure prijevremenog razrješenja i u sljedećim slučajevima:
 - ako član Upravnog odbora nesavjesno obavlja poslove;
 - ako član Upravnog odbora bude pravosnažno osuđen za krivično djelo;
 - ako član Upravnog odbora ne izvršava zadatke predviđene zakonom i Statutom ili ih izvršava protivno njima, odnosno ukoliko u izvršavanju poslova i zadataka prekorači ovlaštenja i na takav način nanese štetu Univerzitetu ili Osnivaču;
 - zbog odsutnosti ili spriječenosti da u neprekidnom periodu dužem od tri mjeseca obavlja dužnost.
- Zbog jednog ili više razloga navedenih u ovoj Odluci, obrazloženi prijedlog za prijevremeno razrješenje bilo kojeg člana Upravnog odbora Vladi odnosno Senatu može podnijeti:
 - najmanje dvije trećine članova Upravnog odbora,
 - rektor Univerziteta;
 - ministar za obrazovanje, nauku i mlade Kantona Sarajevo;
 - najmanje jedna trećina rukovodilaca organizacionih jedinica zastupljenih u Senatu.
- Predlagači pod tač. b), c) i d) iz stava (3) ovog člana prijedlog za prijevremeno razrješenje upućuju Vladi odnosno Senatu putem Upravnog odbora.
- Ukoliko prijedlog za prijevremeno razrješenje člana Upravnog odbora nije utvrdio i podnio Upravni odbor, predsjednik Upravnog odbora je dužan sazvati sjednicu Upravnog odbora

najkasnije u roku od 15 dana od dana zaprimljenog zahtjeva za prijevremeno razrješenje na protokolu Univerziteta.

- Upravni odbor se obavezuje i to u pisanoj formi izjašnjava o podnesenom zahtjevu za prijevremeno razrješenje.
- Prije razmatranja i izjašnjavanja o razlozima navedenim kao osnov za prijevremeno razrješenje, Upravni odbor je obavezan pribaviti pisano izjašnjenje člana Upravnog odbora čije prijevremeno razrješenje se predlaže u odnosu na razloge navedene u podnesenom zahtjevu za razrješenje.
- Predsjednik Upravnog odbora je obavezan nadležnom organu za donošenje odluke o prijevremenom razrješenju dostaviti izjašnjenje Upravnog odbora u odnosu na razloge navedene u zahtjevu za prijevremeno razrješenje, kao i pisano izjašnjenje člana Upravnog odbora za čije razrješenje je podnesen zahtjev, najkasnije sedam dana od dana održavanja sjednice Upravnog odbora.
- Svaki član Upravnog odbora je ovlašten usmeno i to neposredno na sjednici Upravnog odbora ili u pisanoj formi inicirati donošenje prijedloga Upravnog odbora za prijevremeno razrješenje bilo kojeg člana Upravnog odbora.
- Ukoliko je inicijativa podnesena neposredno na sjednici Upravnog odbora o istoj se odlučuje na narednoj sjednici Upravnog odbora koja se mora zakazati i održati u narednom roku od 30 dana, uz obavezu predsjednika Upravnog odbora da članu čije razrješenje se inicira, u pisanoj formi najkasnije sedam dana prije održavanja sjednice Upravnog odbora dostavi na izjašnjenje razloge navedene za razrješenje.
- Ukoliko inicijativa za prijevremeno razrješenje člana Upravnog odbora nije podnesena neposredno na sjednici Upravnog odbora, odnosno ukoliko je podnesena u pisanoj formi, predsjednik Upravnog odbora je obavezan sazvati sjednicu Upravnog odbora najkasnije u roku od 30 dana od dana kada je inicijativa zaprimljena na protokolu Univerziteta, uz obavezu da najkasnije sedam dana prije održavanja sjednice Upravnog odbora na kojoj će se razmotriti inicijativa, članu Upravnog odbora čije razrješenje se inicira izvrši dostavu podnesene inicijative sa navedenim razlozima, u cilju pribavljanja izjašnjenja u odnosu na navedene razloge za prijevremeno razrješenje.
- Za donošenje odluke Upravnog odbora kojom se utvrđuje prijedlog prijevremenog razrješenja potrebna je dvotrećinska većina (2/3) od ukupnog broja članova Upravnog odbora, a glasanje o podnesenoj inicijativi za prijevremeno razrješenje člana Upravnog odbora se provodi tajnim glasanjem.
- Prilikom odlučivanja Upravnog odbora o inicijativi za prijevremeno razrješenje, član Upravnog odbora čije razrješenje se inicira, ne može sudjelovati u glasanju o podnesenoj inicijativi.
- Na osnovu obrazloženog zahtjeva odnosno prijedloga za prijevremeno razrješenje i pisanog izjašnjenja člana Upravnog odbora čije razrješenje se traži odnosno predlaže, Odluku donosi Vlada odnosno Senat u zavisnosti da li se odlučuje o prijevremenom razrješenju člana Upravnog odbora kojeg imenuje Vlada ili člana Upravnog odbora kojeg imenuje Senat.
- U slučaju prijevremenog razrješenja na osnovu prijedloga koji nije utvrdio i podnio Upravni odbor, organ nadležan za prijevremeno razrješenje je obavezan prije donošenja odluke o razrješenju pribaviti pisano izjašnjenje Upravnog odbora, kao i pisano izjašnjenje člana Upravnog odbora čije razrješenje se predlaže u odnosu na razloge navedene za prijevremeno razrješenje.
- Vlada odnosno Senat obavezni su odluku o podnesenom prijedlogu za prijevremenim razrješenjem donijeti najkasnije u roku od 30 dana od dana uredno zaprimljenog zahtjeva odnosno prijedloga za prijevremenim razrješenjem na protokol Kantona Sarajevo odnosno na protokol Univerziteta.
- U slučaju donošenja odluke o prijevremenom razrješenju predsjednika Upravnog odbora, Vlada istovremeno donosi i odluku o imenovanju vršioca dužnosti predsjednika Uprav-

nog odbora te odluku kojom utvrđuje rok u kojem je Ministarstvo za obrazovanje, nauku i mlade Kantona Sarajevo (u daljnjem tekstu: Ministarstvo) obavezno provesti konkursnu proceduru za izbor i imenovanje predsjednika Upravnog odbora.

- (18) U slučaju prijevremenog razrješenja predsjednika ili člana Upravnog odbora, na osnovu objavljenog konkursa za izbor i imenovanje, ne može biti izabran odnosno imenovan kandidat koji je prijevremeno razriješen dužnosti u skladu sa ovom odlukom.

Član 5.

(Konstituirajuća sjednica)

- (1) Kandidat koji je imenovan za predsjednika Upravnog odbora obavezan je sazvati konstituirajuću sjednicu Upravnog odbora najkasnije 30 dana od dana izvršenog imenovanja.
- (2) Upravni odbor je obavezan donijeti Poslovnik o svom radu kojim se uređuju sva pitanja značajna za nesmetano i zakonito izvršavanje poslova i zadataka iz nadležnosti Upravnog odbora.

Član 6.

(Uslovi za izbor i imenovanje)

- (1) Za člana Upravnog odbora može se izabrati odnosno imenovati kandidat koji ispunjava sljedeće opšte uslove:
- a) da je državljanin Bosne i Hercegovine;
 - b) da je stariji od 18 godina;
 - c) da nije otpuštan iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjene pozicije;
 - d) da se na tog kandidata ne odnosi član IX. 1. Ustava Bosne i Hercegovine;
 - e) da nije osuđivan za krivično djelo ili za privredni prestup,
 - f) da nije izabran zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08).
- (2) Pored navedenih opštih uslova, kandidat koji se nominira/imenuje za poziciju predsjednika ili člana Upravnog odbora koje imenuje Vlada, treba da ispunjava i sljedeće posebne uslove:
- a) kandidat koji se imenuje za predsjednika Upravnog odbora treba da posjeduje naučni stepen doktora nauka;
 - b) kandidat koji se imenuje za člana Upravnog odbora treba da posjeduje najmanje univerzitetsku diplomu-VII stepen stručne spreme za kandidate koji su visoku stručnu spremu stekli po predbolonjskom sistemu studija odnosno diplomu drugog ciklusa studija za kandidate koji su visoku stručnu spremu stekli po bolonjskom sistemu studija i najmanje pet (5) godina radnog staža u struci nakon sticanja diplome;
 - c) da nema privatni interes na Univerzitetu pod kojim se podrazumijeva svaka poslovna saradnja između Univerziteta i aplikanta za članstvo u Upravnom odboru koja bi predstavljala sukob interesa u smislu Zakona o sukobu interesa u organima vlasti u Federaciji Bosne i Hercegovine;
 - d) da nije u radnom odnosu na Univerzitetu u Sarajevu odnosno na organizacionoj jedinici ili pridruženoj članici Univerziteta ili da se ne nalazi u situaciji ili odnosu koji predstavlja sukob interesa.
 - e) da nije u radnom odnosu ili da nije uključen u realizaciju nastavnog procesa ili angažovan po nekom drugom osnovu na visokoškolskoj ustanovi kao ustanovi koja je registrovana u Bosni i Hercegovini, bez obzira na iznos naknade koji se isplaćuje za angažman;
 - f) da nije rukovodilac organa uprave koji je nadležan za vršenje nadzora nad zakonitošću rada Univerziteta.

Član 7.

(Javni konkurs)

- (1) Javni konkurs za izbor i imenovanje članova Upravnog odbora koje imenuje Vlada u skladu sa procedurom i uslovima utvrđenim Zakonom o visokom obrazovanju i ovom odlukom, raspisuje Ministarstvo.
- (2) Konkurs za izbor i imenovanje iz stava (1) ovog člana, pored opštih i posebnih uslove koje kandidati moraju ispunjavati i dokaza koje je potrebno priložiti uz prijavu na konkurs, sadrži i naznaku roka za predaju prijave na konkurs.
- (3) Za provođenje konkursne procedure Vlada, na prijedlog ministra za obrazovanje, nauku i mlade Kantona Sarajevo (u daljnjem tekstu: ministar) imenuje posebnu Komisiju u sastavu od pet članova.

Član 8.

(Naknada za rad)

Posebnom odlukom Vlade utvrdit će se iznos mjesečne naknade za obavljanje dužnosti člana Upravnog odbora.

Član 9.

(Ravnopravnost)

Prilikom primjene ove odluke, Vlada neće vršiti diskriminaciju prema bilo kome na osnovu rase, nacionalnog ili etničkog porijekla, boje, vjere, spola, bračnog statusa, porodičnog statusa, invalidnosti ili zbog postojanja oslobađajuće presude ili presude za koju je izrečeno pomilovanje.

Član 10.

(Objava javnog konkursa)

Na osnovu opštih uslova utvrđenih Zakonom o ministarskim, vladinim i drugim imenovanjima Federacije BiH, kao i opštih i posebnih uslova utvrđenih ovom odlukom, Ministarstvo objavljuje javni konkurs za imenovanje predsjednika i pet članova Upravnog odbora koje imenuje Vlada, a koji će se objaviti u "Službenim novinama Federacije BiH" i najmanje u jednom dnevnom listu velikog tiraža.

Član 11.

(Postupak izbora i imenovanja)

Postupak izbora i imenovanja obavlja se u skladu sa odredbama Zakona o ministarskim, vladinim i drugim imenovanjima Federacije BiH.

Član 12.

(Prava i obaveze članova Komisije)

- (1) Odlukom Vlade o imenovanju Komisije za provođenje konkursne procedure preciznije će se urediti ovlaštenja Komisije, kao i prava i obaveze članova Komisije.
- (2) Komisija iz stava (1) ove tačke je zadužena za pregledanje i utvrđivanje formalno-pravne urednosti pristiglih prijava na konkurs (blagovremenost i potpunost), za provođenje intervju-a sa svim kandidatima koji budu ispunjavali formalne uslove objavljenog konkursa, za sačinjavanje rang-liste kandidata čije su prijave ocijenjene formalno-pravno urednim te za provođenje drugih radnji za koje bude zadužena odlukom Vlade o imenovanju.

Član 13.

(Čuvanje odluke)

Ova odluka se čuva u evidenciji Vlade.

Član 14.

(Ostavka na dužnost)

- (1) U slučaju da se u toku trajanja mandata bilo kojeg člana Upravnog odbora pojave razlozi zbog kojih imenovani član više ne ispunjava kriterije odnosno uslove kako je propisano zakonom, ovom odlukom ili uslove koji su propisani Statutom, isti je obavezan podnijeti ostavku na dužnost člana Upravnog odbora odmah po nastupanju tih razloga.

- (2) Ukoliko član Upravnog odbora u slučajevima iz stava (1) ovog člana ne podnese ostavku, subjekti koji su prema ovoj odluci ovlašteni pokrenuti postupak prijevremenog razrješenja člana Upravnog odbora, mogu pokrenuti postupak za razrješenje.

Član 15.

(Odgovornost za rad)

Upravni odbor za svoj rad odgovara Vladi, a izvještaj o svom radu, kao i druge materijale koji proizilaze iz rada Upravnog odbora dostavlja Vladi na način i u postupku propisanom Zakonom o visokom obrazovanju.

Član 16.

(Prestanak važenja)

Stupanjem na snagu ove odluke prestaje da važi Odluka o standardima i kriterijima za nominiranje/imenovanje na poziciju predsjednika i članova upravnih i nadzornih odbora Univerziteta, visokoškolskih ustanova i naučnoistraživačkih instituta, kao javnih ustanova na području Kantona Sarajevo i javne ustanove Studentski centar Sarajevo čija konačna imenovanja vrši Vlada Kantona Sarajevo ("Službene novine Kantona Sarajevo", broj 25/04, 23/05).

Član 17.

(Stupanje na snagu)

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-18444-28/13

27. juna 2013. godine

Sarajevo

Premijer

Suad Zeljković, s. r.

Na osnovu čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), i člana 9. Odluke o osnivanju Javne ustanove za organizovanje kulturnih programa i međunarodnu saradnju u kulturi "Sarajevo art" ("Službene novine Kantona Sarajevo", broj 3/99 - Prečišćeni tekst i br. 33/07 i 1/13), Vlada Kantona Sarajevo, na 26. sjednici održanoj 27.06.2013. godine, donijela je

ODLUKU

**O DAVANJU SAGLASNOSTI NA ODLUKU O
IZMJENAMA I DOPUNAMA PRAVILA JAVNE
USTANOVE ZA ORGANIZOVANJE KULTURNIH
PROGRAMA I MEĐUNARODNU SARADNJU U
KULTURI "SARAJEVO ART"**

I

Daje se saglasnost na Odluku o izmjenama i dopunama Pravila Javne ustanove za organizovanje kulturnih programa i međunarodnu saradnju u kulturi "Sarajevo art", broj 41-6-4/13 od 13.06.2013. godine.

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-18444-29/13

27. juna 2013. godine

Sarajevo

Premijer

Suad Zeljković, s. r.

Na osnovu čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), Vlada Kantona Sarajevo, na 26. sjednici održanoj 27.06.2013. godine, donijela je

ODLUKU

**O USLOVIMA I PERIODU PRIVREMENE DODJELE
LOVIŠTA NA KORIŠTENJE**

I

Ovom odlukom utvrđuju se uslovi i period privremene dodjele lovišta na korištenje do stvaranja uslova za dodjelu lovišta na korištenje u skladu sa Zakonom o lovstvu za lovišta

utvrđena Odlukom o osnivanju lovišta na području Kantona Sarajevo ("Službene novine Kantona Sarajevo", broj 17/10 i 42/12).

II

Korisnici lovišta su dužni provoditi aktivnosti na unapređenju uzgoja i zaštite lovstva i iskorištavanja divljači, zaštite prirode i okoliša u očuvanju prirodnog staništa divljači, njegovanja lovačke etike i običaja ili drugih ciljeva kroz sportsko-rekreacione i ekološke aktivnosti u lovištima.

III

Pravo korištenja i upravljanja lovištima imaju lovačka društva - udruženja građana "Trnovo" Trnovo, "Bjelašnica" Hadžići, "Igman" Ilidža, "Zec" Ilijaš, "Srednje" Srednje, "Lane" Vogošća i "Sarajevo" Sarajevo koja su gospodarila lovištima u prethodnom periodu.

Pravo korištenja i upravljanja Uzgajalištem jelena lopatara u Rakovici ima Kantonalno javno preduzeće "Sarajevo - šume" d.o.o. Sarajevo.

IV

Ovlašćuje se Ministarstvo privrede Kantona Sarajevo (u daljem tekstu: Ministarstvo) da gospodarenje i upravljanje lovištima dodijeli korisnicima iz tačke III ove odluke na jednu godinu, zaključivanjem ugovora o ustupanju lovišta na korištenje.

V

Zadužuje se Ministarstvo da obezbijedi da se lovištima gospodari na osnovu Privremenih godišnjih planova gospodarenja.

VI

Za realizaciju ove odluke zadužuje se Ministarstvo.

VII

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-18444-30/13

27. juna 2013. godine

Sarajevo

Premijer

Suad Zeljković, s. r.

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), Vlada Kantona Sarajevo, na 26. sjednici održanoj 28.06.2013. godine, donijela je sljedeći

ZAKLJUČAK

1. Odobrava se preraspodjela sredstava u Budžetu Kantona Sarajevo za 2013. godinu u iznosu 290.000 KM i to:
 - sa razdjela 18010001 Ministarstvo privrede
 - sa ekonomskog koda:
 - 615400 Kapitalni transferi javnim preduzećima
 - IAU012 Rekonstrukcija ledene dvorane
 - KC Skenderija
 - 290.000 KM
 - na razdjel 14010001 Ministarstvo saobraćaja
 - na ekonomski kod
 - 615300 Kapitalni transferi neprofitnim organizacijama
 - EAU033 Otvaranje novih parkirališta
 - 250.000 KM
 - na razdjel 29010001 Kantonalna uprava civilne zaštite
 - na ekonomski kod
 - 821300 Nabavka opreme
 - UAX007 Nabavka opreme za vatrogastvo
 - 40.000 KM
 - 2. Ovaj Zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-05-18444-36/13

28. juna 2013. godine

Sarajevo

Premijer

Suad Zeljković, s. r.

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), Vlada Kantona Sarajevo, na 26. sjednici održanoj 27.06.2014. godine, donijela je sljedeći